



# ԿՈՐՍՎԱԾ ՀԱՎԱՍԱՐԱԿԾՈՒԹՅՈՒՆ

արու  
զավակի  
նախընտրությունը  
չայաստամում

Գրիգոր  
էսին-Տերթն



“<sub>2</sub>

«Հազարդ եմ»,

«Տեր եմ»

Տղամարդ ու տեսակետ.

**Ս**յս բառերն են արտասանում բոլոր հայ զուգգերը, որոնց ամուսնությունը կնքվում է եկեղեցու։ Աղջիկն ասում է՝ «Բնագանդ եմ», տղամ՝ «տեր եմ»։ Նովս բառն ըստ զուգգերն արտասանում են մտքում, երբ նրանց ամուսնությունը կնքվում է պետության կողմից։ Որովհետև դա է պահանջում ավանդապաշտ մեր հասարակությունը։

Մենք այնքան ենք կարևորում ավանդապաշտությունն ու ծանոթների և հար և անների կար ծիքը, որ հնագամության իմիտացիան պահպանվում է նովսիսկ այն դժուամիքներում, որտեղ այդ երևույթը չկա։

Աղջիկներ կամ, որոնց այդպիսի դրվագը դուր է գալիս։ Նրանք կամ իրոք հնագանդ են լինում, կամ էլ ձևանում են, թե հնագանդ են՝ իրենց ամուսիններից պահանջելով «տեր լինել»։ Այսինքն, ըստ նրանց, դառնալ հայրայթող և վաստակող կատարելով այն դերը, որն ուներ տղամարդը

հասարակությունում։ Այդ աղ ջիկները զնում հոսանքին հակառակ, այլ ընդունում են հասարակության կողմից պարտադրված խաղի կանոնները։

Այսօր, սակայն, հայտնվել են այնպիսի հայ աղ ջիկներ, որոնք չեն ցանկանում նույնիսկ ձևականութեն լինել հնագանդ։ Առավել ևս, որ վերջին 20 տարիներին կյանքն այնպէս է փոխվել, որ տղամարդ դիմումից շատերը զրկվել են հայտայթող-վաստակող լինելու հնարավորությունից, և այդ դերը, մեծամասամբ, փոխանցվել է կանանց։

Այդ հնագամանքը շփոթեցրել է հայ տղամարդկանց։ Այն աստիճանակի, որ գրանցվել են նույնիսկ ինքնասպանության դեպքեր։

ԽՍՀՄ փլուզումից հետո կանայք նույնպէս շփոթված էին, բայց բնույթունն օժտել է նրանց ավելի կայուն հատկանիշներով։ ԶԷ՞ որ նրանք են, որ աետք է ապահովեն սերունդների շարունակելիությունը։ Եվ կանայք սովորեցին իրականացնել այն գործառույթը, որը դարերով վերապահված էր տղամարդկանց։

Վերջիններին մեր իշխանությունները թողել են գերազանցա-

պես շինարարի, տաքսի վարորդի և պետի դերները։ Ուր գնում ես, բացի նշված ոլորտներից ու բանակից, ամենուրեք կանայք, հիմնականում շահել աղջիկներ են աշխատում, որոնց պետքը տղամարդիկ են։ Եվ այդ հանգամանքը, ինչպես անե այն, որ կանանց թվաքանակը Հայաստանում շատ ավելին է, քան տղամարդկանցը, փոխել է ոչ միայն սեռը րի մտածելակերպն ու դերը, այև, նույնիսկ, արտաքինը։



Այսօրվա հայ տղամարդկանցից շատերը դադարել են հետևել իրենց: Նրանց ոչ իրենց ար տաքինն է հետաքրքրում, ոչ էլ ֆիզիկական վիճակը՝ շատ քչերն են սպորտով գրաղում, կամ, գոնե, մար զանք անում: Նյութապես ապահովվածների շրջանում առաջացել է նույնական տղամարդու հոգ հայացքով, հաստավիզ, տձև մարմնով:

Աղջիկները, ընդհակառա կը, ոչ միայն աչքի են ընկնում ուսումնատենչությամբ, այլև սկսել են մեծ ուշադրություն դարձել իրենց արտաքինին: Ի տար բերություն տղամարդկանց մեծամասնությանը՝ մեր աղջիկները խստորեն հետևում են իրենց ար տաքինին. սպորտով են

զբաղվում, պարում են, դիետա են պահում, հետևում են նորաձևությանը, հաճախում են գեղեցկության սրահներ:

Դարեւ շարունակ հայերն ապրել են մահմեղականների լծի տակ, ենթափ կվել են նրանց օրենքներին, ընդօրինակել նրանց բարքերը: Դա, ինչպես նաև նահապետական մտածելակերպ, դեռ ուժեղ ազդեցություն ունեն: Այդ պատճառով է, որ տղամարդկանց մեծամասնությունը, գոնե հոգու խորքում, կանանց շի համարում իրեն հավասար: Աղջիկներին նրանք վերաբերվում են սիրով ու քննչանքով, բայց այնպես, ինչպես որ կվերաբերվեին շատ սիրելի ընտանի կենդանիներին: Խսկ որոշներն ել այնքան անհավասար վերաբերմունք ունեն իրենց որդիների և դուստրերի համեմատ, որ վերջինների զավակմերին համարում են երկրորդ կարգի թոռներ, առա շ-

նահերթությունը տալով որդիներին ու նրանց զավակներին: Եվ դա լինում է նույնիսկ այն դեպքում, եթե դուստրերը շատ ավելի խելացի, սիրող ու նվիրված են լինում իրենց հայրերին, քան որդիները: Ավելին՝ լինում է նույնիսկ այն ժամանակ, եթե որդիները միայն տհաճություններ ու դժվարություններ են բերում:

Եվ հիմա բանը հասել է նրան, որ որոշ տղամարդ դիկ, օգտվելով իրենց կանանց հնազանդությունից, սկսել են պար տադրել նրանց կատարել ար հետական վիճեցումներ, եթե տեղեկանում են, որ ապագա երեխան աղջիկ է լինելու: Այսինքն՝ դրժում են իրենց՝ «տեր լինելու» խոստումը և նպաստում նրան, որ հետագայում հայերի մեջ առա ջանա ազգային նոր ավանդույթ՝ մահմեղական դալիմը՝ հար սնացուի համար գլխագին վճարելը:

## Մամե ՊԱՊՅԱՆ



Արդեն երկու աղջիկ ուներ, և  
երրորդ աղջիկն անհրաժեշտ չէր...  
Դու չեղար ոչինչ,  
Գուցե լինեիր իմ ուզած բալիկ,  
Լինեիր շեկիկ, սպիտակ կամ թմրլիկ...  
Ներիր, իմ բալիկ, մերիր, որ չեղար,  
Որ չթողեցի լինես, իմ բալիկ,  
Իմ ամմեղ փոքրիկ,  
Որի մեղքը լոկ... աղջնակ լիճելմ էր  
Ներիր իճա, մերիր:

Արդեն երկու աղջիկ ուներ,  
և երրորդն անհրաժեշտ  
չէր...

“ 6

**«**Պա հեշտ վճիռ չէր», - նույնությունը 16 տարի հետո, Գայանեն մի այս ընկնդում է՝ հիշելով 1996 թվականի հուլիսի 15-ը:

Արդեն գիտեր, որ իր սրտի հետ միասին տրոփում է մեկ այլ սիրտ, պարզապես աղջկա: Արդեն երկու աղջիկ ունեք, և երրորդ աղջիկն անհրաժեշտ չէ:

Հինգ բժշկի մոտ էին գնացել, բոլորն ասել էին՝ աղջիկ է, և բոլորն ասում էին՝ հանկարծ չընդհատեն: Անգամ ամուսինը, ով երկար տարիներ երազում էր որդի ունենալ, ընդրկեց. «Աստված պատկես է կամ մեցել, մեզ սա է տվել, ուրեմն...»

«Բայց ես արդեն որոշել էի, մանավանդ շատ վտանգավոր էր ձգձգումը, արդեն 4 ամսական էր աղջիկս...»

Մեկ ժամից պետք է գնայինք հիվանդանոց, տանն էի: Անգամ չի ցանկանում հայ ուտել. կարծես խարում էի երեխային, կերակրում էի, որ հետո տանեմ... սապանելու: Նստած գրկել էի որովայն ու խոսում էի մահացած սկերպոչ Ընարի հետ. «Դու որ լինենիր, ես նման բան չի կարող անել: Տանում եմ, տա-

նում եմ՝ կտրտեմ: Մեկը չկա, որ ինձ համոզի, ես մենակ քո դեմ չէի կարող բան ասել»:

Ու գնացին, սկզբում բժիշկը հրաժարվում էր, քանի որ ուշացրել էին, բայց վերջում համոզվեց:

«Երբ հարկողից արթնանում էի, լսեցի, թե ինչպես են բժիշկները քննարկում՝ ինչ լավ բալա էր, բա թաթիկները... Մտածում էի, որ այլևս երեխա չեմ ունենա, քանի որ հանցանք եմ գործել: Չի կարելի, դա սխալ քայլ է:»

Զանցած երեք ամիս՝ Գայանեն հանկացավ, որ կրկին հոյի է: Եվ երբ ցանկանում էր կրկին գնալ ատուգելու երեխայի սեղը, արդեն բոլորն էին դեմ, ստիպում էին անպայման պահել երեխային, թեկուզ աղջիկ լինել:

«Ես կտրականապես մերժեցի այդ միտքն անգամ. մեղք էի գործել նախորդի հանդեպ, ինչպես կարող էի աղջիկ ունենալ այդքանից հետո»:

Ստորև հաստատեցին. երեխան տղա է:

Գայանեն համոզված է. պետք է հնարավորություն տրվի՝ ծնողներին ստուգելու երեխայի սեղը մինչև ծննդաբերելը, եթե նրանք ցանկանում են. «Մթե չինենք սեղը ստուգելու հնարավորություն, ես երբեք որդի չեմ ունենա, իսկ մենք միշտ

ցանկացել ենք ունենալ երկու աղջիկ և մեկ տղա»:

Նա խոստացել էր սկերպայրին. տղա է ունենալու: Տղա թող ունենալը սկնարակում էր, քանի որ ուշացրել էր երազանքը (յոթ աղջիկ թող ուներ): Այդ խոսակցությունից մեկ շաբաթ հետո սկերպայրը անակնկապ մահացավ, և Գայանեն բարեկամների մոտ խոստացավ. սկերպայրը կունենա տղա թող, թեկուզ հետմահու...»

«Որդուս ծնունդը կյանքիս ամենաերշամիկ օրն է եղել, թեն մահվան դուռն էի հասել (ծննդաբերությունից հետո բարդություններ են առաջացել): Ես կյանքին կառչած մարդ չեմ, և երբ ամբողջ գիշեր արնահոսում էի, մտածում էի, որ նպատակս իրագործել եմ, ամուսինս որդի ունի, թեկուզ իմ կյանքի գնով»:

**Գայանեի որդին արդեն 14 տարեկան է և կրում է մահացած պապիկի անունը:**



Հրապարակվել է 2011 թ. դեկտեմբերի 25-ին հեղինակի բլոգում



Գալաճն  
ՍԱՐԳՍՅԱՆ

## Մայրանալու իրավունքը

“ 8



տրվել է  
արարելու, ոչ  
թե սպանելու  
համար...

Իմ պրտի տակ քո սրտիկն է գարեկում,  
Ես քեզ սպասել եմ ամբողջ իմ կյանքում...

**Ե**րգի տողերը մտքիս մեջ  
մտմտալով՝ գնում եմ թա-  
ղամասապին համարուժարան։  
Հղիության առա ջին ամիսներն են,  
ու ես հոգուս խորքում սպասում եմ  
որդու։ Աղջնակս արդեն 8 տարե-  
կան է։ Նա եղբայր է ուզում, ամու-  
սինն որդի։ Իսկ ես, որ մեծ դժվար-  
ությունների գնով եմ մնձացրել  
առա ջնեկիս, տարիներ շարունակ  
մտածում եմ եթե երկրորդն ունե-  
նամ, ապա՝ միայն տղա։

Այլևս սպասել չեմ ուզում։ Վեր-  
ջապես պետք է ինանամ սեղը։  
Սոնոգրաֆիայի կարինետի մոտ  
հղիների ձգվող հերթը ստիպում է  
սպասել ամբողջ երկու ժամ։ Հղինե-  
րի գրուցի հիմնական թեման երե-  
խայի սեռն է։ «Առավոտից պատեղ  
ենք։ Մի անգամ բժշկութին նայեց,  
ասաց, որ մի ժամից գամ, գուցե տե-  
ղաշարժված լինի, ու սեղը երևա։  
Մի տղա ունեմ։ Ամուսինս ուզում  
է, որ երկրորդն էլ տղա ծնվի։ Բայց  
ես աղջիկ եմ ուզում»,- պատմում էր  
նրանցից մեկը։ «Չէ, մա՞մ, թող տղա  
ծնվի, որ իրար հետ խաղանք»,- մի-  
ջամտեց վերշինիս 8-10 տարեկան  
որդին։

«Ես արդեն գիտեմ, իմը տղա է։  
Ասուցինս աղջիկ էր։ Նախապես  
չէինք ստուգել։ Հետո երեք անգամ  
արորտ եմ արել, որովհետև աղ-  
ջիկ էր ծնվելու։ Բայց էս մեկը տղա  
է, հաստատ են ասել»,- որովայնը  
գրկելով՝ հպարտացավ մյուս կինը։

«Մամ, էսօր կասեն, չէ՞՝, տղա  
ենք ունենալո՞ւ, թե՞ աղջիկ»,- թևիցս  
քաշելով շշնչաց աղջիկս։ «Հա՛, բա-  
լես, երկի կասեն»,- պատասխանե-  
ցի, իսկ սիրոս այնքան արագ էր  
զարկում...

Վերջապես մեր հերթն էլ հա-  
սավ։ «Ամեն ինչ նորմալ է, պտուղը



ճորման է զար գանում...», - ասում է բժշկութիմ: Իսկ ես սպասում եմ: «Բժշկութի ջա՞ն, սեոր կարող եք ասել...»:

- Իսկ դու ի՞նչ ես ուզում ունենալ,- աղջնակիս է դիմում բժշկութիմ:

- Ապերիկ:  
- Չ՛ե, բայե՞ս, ապերիկ չէ, քուրիկ է:  
- Բայց ես ապերիկ եմ ուզում:

Քուրիկը ես եմ:  
Կարիճնետից մայր ու աղ ջիկ դուրս եկանք սիրտներս կախ: Գլխումս մի հարց էր պտտվում.

ինչ անել, գուցե պետք է ընդհատել հղիությունը...

Տուն եկա: Պետք էր մի բան մտածել: Հար ևանութիս, ում հետ մոր պես մտերիմ էի, անմիջապես եկավ: «Հը, ի՞նչ կա»: «Աղջիկ է...»: «Բա ի՞նչ ես քիթ կախել: Կար ևորք առողջ բալիկ լինի: Գիտե՞ս քանի քանիսը կան, որ տղամեր ունեն, բայց օր ծերության իրենց պահողը էլի առ ջիկներն են: Համեստ ծ չմտածես ընդհատելու մասին, - ասես մտքերս կարդալով՝ վրա-վրա խոսում էր հար ևանութիս, - շահել ժամա-

“ 10





ճակ ես էլ քո նման էի մտածում: Որդուց ու աղջկանիցս հետո հիշացել էի: Շատ էի ուզում երրորդն ունեմապ, իսկ ամուսինս դեմ էր. հանրակացարանում էինք ապրում, պայմաններ չունեինք: Զկարողացա ընդդիմանապ նրան: Ստիպողաբար գնացի աբորտի: Շատ ծանր տարա: Հիշում եմ՝ վերջում բժիշկն ասաց. «Ուզր՞ում եք իմանապ՝ ինչ սեփի էր»: Ասացի՝ «Չէ, բժիշկ շամ, պետք չի, մի՛ ասեք»: Ասաց. «Տղա էր, առողջ, հասուն...»: Սա վերջին բանն է, որ հիշում եմ: Ուշքի եկա մի քանի ժամ անց հիվանդասենյակում: Լալիս էի, մեղադրում ինքս ինձ ու ամուսնուս... Գիշերը երազումն այդ երեխան եկավ՝ կապուտ աչքերով, սպիտակ մաշկով.... Դա իմ առա շիճ հանցագործությունն էր: Զկարողացա ինձ ներել ամբողջ կյանքում: Գրկում, համբորում էի երեխաներիս ու զզկում ինքս ինձնից. ես ի՞նչ մայր եմ, ինչո՞վ էր սրանցից պակաս նա, այն մեկը...»:

Լսում էի ու հասկանում, որ ես չեմ կարող ապրել մեղքի գիտակցումով, որ չեմ կարող սպանել, որ ունեմալու եմ անկախ սեփից: Ու ծնվելու է փոքրիկս, որովհետև մայրանալու իրավունքը տրվել է արարելու, ոչ թե սպանելու համար ...

Լեռա  
ՀՈՎՍԵՓՅԱՆ



Երեխան ապրի  
թե ոչ՝ որոշում է  
մայրը

“ 12

**Դ**եռ չէի հասցրել Գորիս-Երևան ճանապարհը հաղթահարելու մտքին հար մաք վել, կողքին նատած երիտասարդ դ աղ ջիկը ձեռքն արագ բերանին տանելով ու արմունկին խփելով, հասկացրեց, որ վարորդին ասեմ՝ արգելակի մեքենան: Սովոր տեսարան էր: Մի քանի րոպեից իմ օգնությունից հրաժարված աղ ջիկը կրկին մեքենայում էր: Քիչ ափրթնած էր, բայց ասաց, որ կարող ենք շարունակել: Մեր քաղաքը լուածնում էին տիտոր առիթով մայրաքաղաք մեկնող տարեց ամուսիններ, որոնք համերաշխ ննջում էին: Միակ «խոստոց» Թաթարն էր: Աղջիկը հաճախ էր հեռախոսը ականջին տանում ու համարյա շշուկով խոսում: Զգում էի,

որ մի չհաղթահարվող անհանգստություն է նրան ուղեցում: Գաղաղալիցքավորման կետում իշանք: Մասախուող էր ու գորիպան մանրիկ անձրն էր տեղում: Մտաճք փոքրիկ սրահ: Նրան էլ սուրճ առաջարկեցի: Հրաժար վեց: Նստեց իմ հար և անությամբ: Կրկին հեռա խոսք զանգահարեց. «ՁԵ՛, ասում եմ՝ չՀՇ՝, մերը ե՞ս եմ, չե՞մ ուզում, ասում եմ՝ զնալու եմ: Որ իմ ուզածով եղավ, վաղը հետ եմ զալու: Չվախենաս: Այ կմիկ, հասկանո՞ւմ ես՝ էս դարում երեք աղջիկ... Դե լավ, պիծանք, է՞՞ի, երազն իմ կապ ունի է, որ երազով լինի...»: Ես համարյա հասկացա՛ բանն իմաշում է, բայց իմ դրավունք չվերապահեցի հարց տալ: Շարունակեցինք ճանապարհը: Քիչ անց իմքն ամենդացավ ու պատմեց, որ երկու դպրոցահասակ աղջիկ ունի, որ հիմա հողի է, որ Գորիսում կասկածանքով տղա են ասել, բայց իմքը վստահ չէ, զնում է Երևան՝ ստուգվելու ու, որ աղջիկ եղավ, մենց Երևանում կընդհատի հոյությունն ու հետ կդառնա: Ասաց, որ վերջին զանգողը մայրն էր. մի վերջին անգամ խնդրում էր, որ այդպիսի բան չանի: Ասաց, որ սկեսուրն ու ամուսինն էլ դեմ էին իր որոշմանը, բայց տալ արդեն Երևանում ծանոթ

բժշկուհու հետ պայմանավորված ժամ ունի ու սպասում է...»

Ես էլ ասացի, որ էս կյանքում ինձ համար ամենաանհասկանա ի ու աններելի բանն այն է, երբ մալրը, սեռը հաշվի առնելով, իմքն իր ձեռքով գնում է, որ... Զգացի, որ դիրքորոշումն բավականին վնասեց նրա աչքին իմ՝ կյանքից բան հասկանալը: Հասկացա, որ անիմաստ է խոսելը: Լոեցինք: Նա մինչ Երևան մի քանի անգամ էլ



իշավ մեքենավից ու սփրիթնած հետ նկավ...

Երևանում առաջինը պիտի իշեր: Որքան էլ համոզված էի՞ իզուր, բայց մի վերջին անգամ ասացի. «Դեռ ուշ չէ, լավ մտածիր, Անի»...

Ես նրան հաճախի էի հիշում, բայց, բնականաբար, ոչ մի լուր չունեի. նա ինձ անձանոթ ընտանիքից էր:

...Վերջերս՝ այդ դեպքից տարիներ անց, ես Երևանից Գորիս էի գալիս: Վարորդը, հորախություն ինձ, ասաց, որ երկար չենք սպասի, որ մյուս երեքը մի ընտանիքից են: «Մոսկավի» մոտ սպասում էինք: Նրանք իշան տաքսուց. մի կին էր՝ երկու աղ չկա հետ: Երիտասարդ դաղիները շատ քննչորեն օգնեցին ձեռնափայտով կնոջը: Տե-



“ 14





դավորվեցին, ու ուղևորվեցինք: Ծանապար հին դադար առա ճը: Արփայի ափին խմում էի դառը սուրճը: Նրանք երեքով առա նձին կողքի սեղանի շուրջն էին նստել: Ինչպես հասկացա՞մ մայր ու աղ ջիկներ էին: «Վալերիանայի» հոտոր մատնեց մոր վատ ինքնազգացողության մասին: Ես առ շար կեցի իմ օգնությունը. դեղերի պաշարով էի: Կիճը հրաժար վեց, ասաց, որ արդեն լավ է ու թույլ, նվաղած ժատալով ասաց. «Դու ինձ չե՞ս հիշում, ես լավ եմ հիշում: Երանի...»: Ու նեղարտեց... Ես, նպելով նրա սև, երկար թարթիշներով կապուտ աչքերին, մտարերեցի Աճիհի: Քիչ դադարից հետո նա հետ գնաց. «Հենց նույն օրը տալիս հետ գնացի թժշկի: Ասացին, որ աղ ջիկ է, ու հենց նոյն օրն էլ... Գիտակցության եմ եկել մեկ շաբաթ անց... Գլուխս բարձրացնել չէի կարողանում: Երկու օր հետո հասկացա, որ քայլել էլ չեմ կարողանում: Երեք ամիս պառկեցի հիվանդանոցում: Ամուսինս աჩին լի ծախսերը հոգալու համար պր տագնա աշխատանքի մեկնեց: Այդտեղից էլ սկսվեց իմ ընտանիքի քայ-

քայումը: Նա փող պար բերաբար ուղար կում է, բայց այնուեղ ընտանիք ունի, ասում եմ՝ զուզ տղաներ: Իսկ ես տարին մի քանի անգամ ես ճանապար հին եմ: Երեխներս ել թետո տանչվում եմ, մայրս էլ չկա: Ես չլսեցի նրան. Աստված պատժեց իման: Ես մորս մինունաք ն էի, ծնվել էի նրանց ամուսնության 15-րդ տարում: Դրա համար մայրս ասում էր՝ ոնց կարելի է Աստծո տվածից հրաժար վել: Գիտեք՝ որն է ամենասար - սափելին. աբորտից անմիջապես հետո մասնակից բուժքուրը տալիս ասել է, որ երեխան տղա է եղել... Իսկ ես մորս երազին չհավատացիք»:

Ականջներիս չէի ուզում հավատալ, ուրեմն պաքանից հետո նրա համար ամենասար սափելին էլի սեռն էր...

Հ.Գ. Իսկ նրան, ինչպես սովորաբար, գորովաճրով պահում էին աղ ջիկները, աղ ջիկներ, որոնցից, որպես անցանկալիներ, հրաժար վում են մինչև լուս աշխարհ գալը: Արժի՞, որ շարունակի ապրել երեխան. Վճռում է մայրը:

Ոչինչ չի եղել,



ուղղակի  
մի Լիլիթիկ  
պակաս  
կճնվի  
Հայաստա-  
նում...

Լիա ԽոջոՅան

“ 16

**Ե**րևանի հիվանդանոցներից մենքի գիտեկությական բաժանմունքի միջանցքը մոխրագույն պատեր, մին ու քրքրված պաստառներ, որոնք պատմում են մայր լիճելու բերկրանքի մնային, բետոնե հատակ, աճարաերամբույր միջավայր ու բժիշկների կարիքնետների դոները գրկած կանայք: Նրանցից մեծ մասը հղիմեր են, սակայն դեմքի պրտապատությունն այնային է, կարծես իրենք էլ, արտի տակ տաքուկ տեղափոխված ապագա բալիկն էլ կառափնարան բարձրանալու են պատրաստվում...

«Գ... Մարինե, անցեք մերս», - լսում է գիտեկության կարիքնետից: Սիրունիկ բուժքույրը նոյզիսկ չի էլ նայում հերթի մեջ կանգնած կանաց ու շտապում է մերս: Աերսում շոկոլադն ու տաք սուրճն են, Բեռուստացուցով էլ սիրելի սերիալի հերոսները հերթական հար ցերն են պարզում: Իսկ Մարինեն, որ մինչ այդ գլխիկոր հատածէր, ձեռքը խլում է մոր ձեռքից ու, աչքերն այդպես էլ չքարձրացնելով, մտնում մերս: 5 րոպե, 10 րոպե, 15... հերթում կանգնած կանաց համար ժամանակը շատ դանդաղ է անցնում, անգամ փնչոցներ են լսվում՝ «Երբ պիտի դուրս գա, գնամ հասնեմ գործերիս», «Էս ի՞նչ երկար մնաց» և այլն: Իսկ Մարինեի համար մերսում անցկացրած րոպեներն ընդամենը ակնթարթ էին:

«Հղիությունս պիտի ընդհատեմ, մարդս ա ասել: Մերոնք էլ ի՞նչ ի՞նչ կարած՝ ինչ էլ ամեն: Պապաս ասեց՝ մտքից կհանես, որ կարաս հետ գաս, քո երեսից հարևանությանս դեմքը հո խայտառակ չե՞մ լինելու: Ես քեզ չեմ ընդունի. ինչ ասում ա, էն էլ կանես: Մամաս էլ իմ նման. ինչ ասել ա, էն էլ արել ա սադ կյանքը...», - նախքան այդ մոռ յի ու ամբարեհամբույր բժշկա-

կան բաժանմունք հասնելը պատմում էր Մարինեն:

Բողորովին վերջերս է ամուսնացել, 1,5 ամսվա հարս էր, երբ ասորինանենքը բար ձրանպիս ուժեղ սրտխառնոց ու գլխապտույտ է զգացել, բայց տանը ամուսնու ու սկեսուրի ուրախությանը հանդիպելու փոխարեն նախազգուշացում է լսվել. «Մամ, մի հատ կիմանաս, երբ են «էխո» անում, ամենք, որ աղջիկ եղավ. հաճի: Ես իմ մեղ մա-

շալին մի հատին հազիվ յոլա տանեմ, բայց պտի տղա լինի», - հայտարարել է ամուսինն ու դուրս եկել տնից: Սկեսուրն էլ փակվել սենյակում, սկսել է հեռախոսով բանակցություններ վարել սրա-նրա հետ, որպեսզի լավ գիտեկուղ գտնեն, հետագայում էլ էժան աբորտ անող:

Ու գտել են, ավելին՝ բժիշկն ասել էր, որ եթե ուզում են՝ Մարինեի համար անվնաս անցնի, ու



հետագայում էլ կարողանա երեխա ունենալ, կարող է դեղորաքային արորտ անել, դա մոտ 60 հազար կտ ժենա. 20-ն իրեն կտան կոնսուտացիայի համար, 40-ն էլ կգնա իր գրած դեղերի վրա: Իսկ եթե չէ 50 դոլարով էլ արորտ անող կա, «բոլորն էլ չոր աշխատավար ձի պատճառով արորտ չէ՝ արհեստական բեմնավորում են սովորել անել»- հավաստիացրել էր «ծանրով» բժիշկը:

Բայց գիմնեկոլոգի կարիքնետում, որտեղից դուրս եկավ Մարիմենն, բացատրել էին, որ դեղորաքային արորտ անելը վտանգավոր է և որևէ բժիշկ չի կարող դրան հավանություն տալ, անգամ, եթե հոյին գրություն ստորագրի, որ տեղեկացված է եղել հետևաքնների մասին: Այն սովորաբար անում են մինչև 6-շաբաթական ժամկետը, դրանից հետո չի կարելի, վտանգավոր է, և միակ ճանապար հը ավանդական արորտն է:

«Մամ, վախենում եմ, ո՞նց թող- ան՝ դանակով ինձ քերեն: Մամ, ա՛խր....»,- հեկեկում էր Մարիմենն,

իսկ այն կանայք, որ մինչ կարիքնետից դուրս գալը դժգոհում էին նրա ուշանալուց, փորձում էին հանգստացնել 19-ամյա «կիսամորր»: Մայրն էլ զերծ չմնաց. «Բայես, ես երկու արորտ եմ արել, սադ եմ... դե հիմա ի՞նչ անես: Ոչինչ, մի լացի, խի Բո վերջինը չի... Էնքան դեռ Կրիյանաս... լավ բժիշկ կգտնենք, մենց կանի բան չես էլ հասկանա»:

Որտեղից իմանար Մարիմենն, որ իր տառա պահըներին գուգահետ միշազգային կառույցներում, Հայաստանից Բեռու ու Առյնիսկ դույզն-ինչ Հայաստանի տեղը չի- մացող պաշտոնյաները մտահոգ- ված քննափ կում էին, որ սելեկտիվ արորտների թիվն անհանգստաց- նող չափերի է հասնում Առյն Հա- յաստանում, Ալբանիայում և այ- լուր: Եվ որ նրանք միջոցներ են փնտրում, որպեսզի կանխեն այդ արատավոր երևույթը, այլապես, եթե այսօր ամեն 100 աղջկա դի- մաց ծնվում է 115 տղա, 20 տարի անց սեռն ըի այդ տաք բերությունը հասարակությունում իր բացասա- կան ազդեցությունը կունենա:



Բայց... Մեկ շաբաթ անց Մարդուն դարձյալ մտավ գիմենոլոգիական բաժանմունք, սակայն այս անգամ մնաց այդ մոռայլ պատերում մեկ ամբողջ օր: Չծնված աղջնակին, ում 7.5 ամիս անց որոշել էր Լիլիթ անվանել, թողեց հիվանդանոցում. հաջորդ օրը՝ առա վոտյան 9.30-ին, ամուսինը ճրան դիմավորեց հիվանդանոցի դուռը մոտ, ձեռքից վերցրեց փոխնորդ հագուստով տոպորակը, դրեց այն մեքենայի բեռնախցում ու, ճանապար հին գրեթե բառ չփոխանակելով ու Մարդուն տուն հասցնելով, շտապեց աշխատանքի: Սկսուրը սիրած սերիալի կրկնությունն էր նայում ու անդադր սուրճ ըմպում... ոչինչ չի եղել, ոչինչ էլ չի փոխվել:

Պարզապես Հայաստանում մեկ Լիլիթիկ պակաս մանկապար տեղ հաճախող կլինի, ապագայում մեկ Լիլիթ «հնագան են» Աստծո առա շ էլ չի ասի, իսկ խոր ծերությունում էլ գուլպա չի գործի թոռ և համար : Ոչինչ չի եղել, ոչինչ էլ չի փոխվել...


2000-2010թ-ին, ըստ պաշտոնական վիճակագրության, Հայաստանում նվազել է մինչև 20 տարեկանների տարիքային խմբում մայրանալու ցուցանիշը. եթե 10 տարի առա շ ծնունդե-

րի ընդհանուր թվի մեջ 5 հազարը կամ 20 տոկոսից ավելին կազմում էին մինչև 20 տարեկան մայրերը, ապա 2010 թ. տվյա ներով՝ 44825 ծնունդների մեջ ընդհանուր 3900-ը է մայրացել այդ երիտասարդ դ տարիքում... Իսկ այդ թվից 8577-ը չի ծնվել. հավանաբար Մարդուն ճանապարհութեր են ունեցել ճրանց մայրերը ու ստիպված են եղել դիմել հղության ար հետական ընդհատման մեթոդին:

Մինչդեռ բոլորս էլ հասկանում ենք, որ այս թիվն իրականում շատ ավելի մեծ է, քանզի ոչ բոլոր կանայք են հղությունն ընդհատում այնպիսի հաստատություններում, որոնք հաջվետու են առողջապահության նպարարության առջև: Շատերը դա արել ու, որքան էլ ցավալի է, շարունակում են անել ուղղակի տաճը՝ գործելու շլուղի, տաք վանենայի, որովայմին ուժեղ հարվածի կամ այլ կյանքին ու առողջությանը սպառնացող միջոցների կիրառմամբ:

Ու, վստահաբար, այդպես էլ լինելու է այսուհետ, քանի որ այդպես էլ եղել է 5, 10, 30 տարի առա շ. որքան էլ ձգտեն համապատասխան պաշտոնայմերը ու միշազգային կառուցմերը ար գելել «էխո»-ով

սեոի հայտնումը ծնողներին կամ ընդհանրապես աբորտները, մեկ է, հայը ելք կգտնի ու բժշկի գրպանը 5-հազարանոց դնելով՝ ապագա երեխայի սեղող կիմանա: Դե, իսկ մնացածը, ինչպես ասում են ոռուները, ծելո տեխնի:



Հրապարակվել է 2012 թ. մայիսի 19-ին Panorama.am կայքում

Նարէ  
ԱԹՈՅՑԱՆ



“ 20

Սիսալ,  
որի անուան է ՄԱՐԴ

**Պ**անակը դիպավ փոքրիկի ոտիկներիմ, մայրը տնքաց՝ չե՞մ ուզում... փոքրիկի ողջ մարմինը սարսաց, ու նա բնադրաբար նետվեց վեր՝ դեպի արգաճնի խորքը... սառը գենքն ընկավ բժշկի ձեռքից, մարմինը սարսաց այնպես, ինչպես փոքրիկի մաքինը, սական բժիշկը փախտասի ու թաքնվելու տեղ չուներ, ու նրա սիրտը դող ընկավ... փորձեց հաւաքը ուժերը, ստացվեց. ձեռքին հայտնվեց մեկ այլ գենք՝ ավելի սառը, ավելի կոպիտ... Ու այդ գենքով բժիշկը պետք է դադարեցներ դեռ չծնված մանկան կյանքը:


Մեկ տարի չեր անցել այն օրից, երբ ճուն կնոշը՝ Արույակին, սկսուրը ստիպելով բերել էր բժշկի մոտ, որպեսզի ար հետական վիժումով կամխեր հղիովթունը.

- Վեցերորդ երեխան է, բժիշկ ջան, խիդե ունեցեք,- աղերսել էր սկսուրը, և բժիշկը ջանասիրաբար ու որդիաբար բացատրել էր տիկնոջը, որ ար հետական վիժման համար չափազանց ուշ է:

- Ի՞՞նչ եք ասում, երեխան շուտով կծնվի,- պատասխանել էր բժիշկգինեկոլոգը, ու առն վազն երկու շաբաթ անց ծնվել էր Արույակի ու Մերուժի վեցերորդ երեխան:

Նախքան վեցերորդ երեխայի ծննդը սկսուրը տղայի ու հարսի անկողինն առա նձնացրել էր, բայց դե սեռական հարաբերության համար մեկ այլ տեղ էր գտնվել, որն էլ չեր մնացել անհետևանք... ու փոքրիկն այսօր վայելում է իր մամկությունը... բայց նրա բախտին չարժանացավ նրա կրտսեր քույրը, ով անողոքաբար հայտնվել էր բժշկի ձեռքի տակ ու պայքարում էր կյանքի համար...

Ցոթամսյա մանկան փոքրիկ ու հարազատ տունը լցվում էր արյամբ... Զա փորձում էր խոսել մոր հետ, համոզել նրան, հար-



վածում էր ոտքերով, ձեռքերով, գլխով... աղերսում էր կյանք, կյանք, որի մասին ինքն արդեն որոշակի գաղափար ուներ, ինքն արդեն իր անգիտակից օհտակցության մեջ պատկերել ու նկարագր դել էր այդ կյանքը...

Բժիշկը նաև փոքրիկ ոտիկին ու... նրա թուքը չորացավ կոկորդում, արյունը երակմերում սառեց, դեմքը պատվեց քրտինքով ու զգաց փորդիկ՝ պայքարի անհանց տատանումները...

- Երեխա՞ս,- տնքաց մայրն ու սկսեց անհանգիստ շար ժումներ անել,- երեխա՞ս...

Իսկ փոքրիկն, ով արդեն 28 շաբաթական էր և ապրելու համար ուներ լիար ժեք կազմվածք և իրավունքներ, մի անհույս ճիգով ձգվեց բժշկի ձեռքերի վրա ու ար տարերեց իր կյանքի առ շին ու վերջին ճիշը:

Մանկան ձայնից սպանդարանում մի ակնթափ թ լուստրուն տիրեց, ու ամեն մեկն իրեն դարձին զգաց:

Մայրը հազիվ ձգվեց տեղից ու նայեց թասի մեջ ընկած մանկանը, նրա աչքերը լցվեցին արցուն-

քով, ու նա սկսեց գազանի պես ոռնալ: Բժիշկը հանեց ձեռնոցներն ու նույն շարժումով, ինչպես մի քանի վայրկյան առաջ, մանկիկին նետեց առ բամանի մեջ...

Բացեց դուռն ու նետվեց իր սենյակ: Մաքուր օդը սթափեցրեց: Դուռը թակեցին, փորձեց հավաքել մոռքերը, փորձեց տիրապետել մարմնին... Զատացվեց, մանկան ար ձակած ճիշը դեռ ականջների մեջ էր: Դուռն թակոցին չէր կարողանում ար ձագանքել, ուժ չէր գտնում ձայն հանելու, ոտքերը թուլացել էին, հազիվ ընկել էր բազմոցին...

- Ուզո՞ւ են ներս գալ,- տեղեկացրեց սպիտակ խալարով մեկը, ով նույնպես ներկա էր մանկան սպանող ողջ գործընթացին:

- Ասս, թող մի քիչ սպասենք,- հազիվ ար տարերեց բժշկը,- ես կկանչեմ:

Կնոջ դուրս գնալուց հետո փոխեց բժշկական հագուստը, դեմքը ցայեց սառը ջրով, մի քանի րոպե ստիպեց իրեն մոռա նազ կատարվածն ու ներս կանչեց դուռն մյուս կողմում անհամբեր սպասողներին:

Զծնված մանկան հարազատները՝ հայրը, տատն ու հորաքուրը, մերս մտան գրեթե ժպտալով. ստացվել էր՝ երեխան չէր ծնվելու, նա արդեն չկար: Անչափ շնորհակալ լինելով «գրասիրո» բժշկից՝ գումարը դրեցին սեղանին ու դուրս եկան... Բժիշկը ցանկացավ խոսել կատար վածի մասին ու կրկին հիշեցնել, որ չիդիանալու համար գոյություն ունեն տարբեր մեթոդներ, իսկ ար հետական վիծեցման համար կա սահմանված ժամկետ, բայց ոչինչ չասաց, քանի որ այդ մարդկանց արդեն տասնյակ անգամ հանդիպել էր ու նույն բանն ասել էր արդեն հազար անգամ:

Հարազատները դուրս եկան ու դուռը փակեցին այնպես անազ մուկ, ինչպես րոպեներ առաջ բժշկի օգնությամբ կյանքի դուռը փակեցին մանկան առաջ...

Բժիշկը սառը հայացքով նայեց գումարի կողմը. դա իր կյանքի այն նողկալի վար ձատրությունն էր, որ նա ստացավ այլոց չարդարացված վիսալը դաժանաբար շտկելու համար...

Սխալ, որի անունն է ՄԱՐԴ:






Հրապարակվել է 2012 թ. հունվարին նողիմակի բլոգում

Եկատերինա  
ՊՈՂՈՍՅԱՆ

Տնային պայմաններում  
հղիության արհեստա-  
կան ընդհատումը  
վտանգավոր միտում է  
հայ կանանց շարքում

“ 24



ՀՀ պաշտոնական վիճական  
գրության համաձայն՝  
2009-ին Հայաստանում  
գրանցվել է 10 149 աբորտ

այսատանի ազգային ան-  
վտանգության ու զմավա-  
րության համաձայն՝ ծննդիության  
ժամը մակար դակը Հայաստանի  
ազգային անվտանգության սպառ-  
նալիքներից է: 2003-ին ՀՀ կա-  
ռավարությունը որոշում է ընդու-  
նել 2003-2015 թթ. Մոր և մանկան  
առողջության պահպանության  
ու զմավարության հաստատման  
մասին, որում, մասնավորապես,  
ասվում է. «Մայրական և վերար-  
տադրության առողջության բա-  
րելավման ուղղված ծրագրերի  
մեջ մտնում է աբորտների դեմ  
պահպարզ, այդ թվում՝ արհեստա-  
կան վիժումների կանխումը, ժա-  
մանակակից հակաբեղմնավորիչ  
միջոցների խրախուսումը, առողջ  
սեռա կան կանքի քարոզչությունը»:  
Դրազմավարության նպատակնե-  
րից է՝ մինչև 2015-ը նվազեցնել ար-  
հեստական վիժումների մակար դա-  
կը մինչև 30 %:


PanARMENIAN.Net - Զնապած  
1990-ականների կեսերին ծնունդ-  
ների թվի համեմատ աբորտների  
թվի զգալի նվազմանը՝ աբորտնե-  
րի մակարդակը նախկին ԽՍՀՄ  
երկրներում մնում է աշխարհում  
ամենաբար ձրերից մեկը: Հայա-  
ստանում աբորտները թուլատրված  
են կազմ «ցանկությամբ» հղիության  
վաղ շրջանում: ՄԱԿ-ի տվյալների  
համաձայն՝ 2004-ին Հայաստանը  
գտնվել է 27-րդ տեղում աբորտնե-  
րի քանակությամբ (1 000 կմո՞ջ հա-  
մար՝ 13,9 աբորտ): ՀՀ պաշտոնա-  
կան վիճակագրության համաձայն,  
2009-ին հանրապետությունում ար-  
ձանագրվել է 10 149 աբորտ: Ինչ-  
պես երևում է վիճակագրությունից,  
1983-ի համեմատ 2000-ին աբորտ-  
ների քանակը կրճատվել է երկու  
անգամ (1983 թ.՝ 33 158 աբորտ,  
2000 թ.՝ 11 769):

Սակայն այսօր իրական պատ-  
կերը հեռու է վերօնիշյալ թվերից:  
Ծատ բարդ է անվանել Հայաստա-  
նում աբորտների ստուգ թիվը, եթե  
չասել՝ անհնար է: Ինչպես նշում են  
մասնագետները, խնդիրն այն է, որ  
հայ կանայք ավելի հաճախ ընդ-  
հատում են հղիությունը տնապին  
պայմաններում: Դժվար է ասել,  
թե նման դեպքերը Հայաստանում

որքան են, բայց մասնագետները  
նշում են, որ տնային պայմաննե-  
րում աբորտը վտանգավոր միտում  
է դառնում հայ կանանց շարքում:

Ինչպես նշել է PanARMENIAN.  
Net-ի թղթակցի Բեն զրոյցում  
բժիշկ-գինեկոլոգ Լուսինե Տիտիր-  
յանը, աբորտը կանանց համար

միշտ անցանկալի գործընթաց է և  
աբորտի բացասական հետևանք-  
ները լիովին բացառելն անհնար է:  
«Անվտանգ աբորտ գոյություն չու-  
նի, և բժիշկի խնդիրն է նվազագույ-  
նի հասցնել աբորտի բացասական  
հետևանքները: Հենց այդ պատ-  
ճառով կանանց պետք է անպայ-



ման դիմեն բժշկի ինքնուրույն ինչոր միջոցի դիմելուց առաջ», - ասել է բժիշկ-գիմենոլոգը: Մասնագետի խոսքերով՝ հայ կանանց շարքում սկսել է նկատվել տնապիճ պայմանաներում առանց բժշկի հետ խորհրդակցելու դեղորապքային արորտի կիրառման վտանգավոր միտում: Ինչպես նշել է Հուահեն Տիտիրյանը, ինքը կե, արորտի այդ տեսակը պակաս վտանգավոր է, քան զործիքայինը, սակայն այդ մեթոդին կարելի է դիմել միայն բժշկի երաշխավորագրով: «Այսօր դեղատներում վաճառվում են դեղեր, որոնց օգնությամբ կարելի է ընդհատել հղիությունը, ինչը, սակայն, կարող է հանգեցնել անցանկալի և շատ վտանգավոր հետևանքների: Այդ դեղերը կարելի է օգտագործել միայն բժշկի դեղատումով», - ասել է նա: Մասնագետին նաև անհանգստացնում է այն, որ վերջին տարիներին նկատվում է արորտների աճ և առա շին հղիության ընդհատում դեռև հաս կանանց շարքում: Նա դա բացատրում





է առա չին հերթին դպրոցում և ընտանիքում սեռա կան կյանքի ճիշտ դաստիարակության բացակայությամբ:


Սակայն դեռա հաս կանանց շարքում արորտների պաշտոնական վիճակագրություն, ցավոք, չկա: Ինչպես նշել է մեզ հետ գրուցում Երևանի հիվանդանոցներից մեկի գիմենկողիական բաժանմունքի նախկին աշխատողը, գրեթե անհնար է որոշել 15-20 տ կանանց շարքում հիդրության ընդհատման ստուգ թիվը, քանի որ այդ արորտները հաճախ պարզապես չեն գրանցվում: Ելմեկով վերը նշվածից՝ մասնագետը խորհուրդ է տալիս անպայման դիմել բժշկի այն դեպքում, եթե կինը մտադիր է ընդհատել իր համար անցանկալի հողությունը:

Ցավոք, Հայաստանում առ դջութան պահպանման և վերականգնման մշակույթը հետո և է բավարար լինելուց: Սակայն հայ կանայք պետք է ծանոթանան ՀՀ «Մարդու վերաբ տադ րողական առողջության և վերաբ տադ րողական իրավունքների մասին» օրենքին նախքան հարազատների կամ ընկերութիւնների խորհրդով տանը արորտ կատարելը: Օրենքի 10-րդ հոդվածի 5-րդ կետն ասում է՝ հղության արհեատական ընդհատումից առա շև և հետո առողջապահական հաստատությունը կնոշը տրամադրում է անվճար բժշկաւոցիալական խորհրդատվություն անցանկալի հողությունից պաշտպանվելու միջոցների ընտրության վերաբերյալ:

Փառաճճեմ  
ՀՈՎՀԱՆՆԻՍՅԱՆ

Դադարեցված կյանքի  
պատմություններ.  
սեռով պայմանավորված  
աբորտները՝  
մտահոգության տեղիք

“ 28



«Մի քանի ամսից Լիլիթն ինքը սկսեց մեզ հետ խոսել, իր թղոշ լեզվով ասաց՝ պապա, ես գիտեմ, որ դու ու մաման քովրիկիս սպանել եք, սակայն զար մանալի է՝ որտեղից իմացավ, մենք ոչիմչ չենք խոսել տան այդ մասին», - ասում է ընտանիքի հայրը՝ 32-ամյա Սուրեն Նահապետյանը:

«Դուքս երկու տարեկան հոդի եմ: Գնացինք բժշկի, պարզվեց կրկին աղջիկ է, և ամուսինս ասաց, որ երկու աղջիկը մեր ընտանիքում շատ կլիմի: Որոշեցինք արորտ անել: Ընտանիքում որևէ բարձրածայն խոսակցություն չի եղել այդ մասին, սակայն արորտից հետո հենց վերադարձա տուն, դուստր հայտարարեց, որ մեզ չի սիրում, քացով խփում էր փորիս ու ասում, որ ես լավ մամա չեմ», - հիշում է 25-ամյա Կարինե Նահապետյանը:

Զերողանալով հասկանաց իրնենց փոքրիկ դստերը՝ Նահապետյանները դիմել էին հոգեբանի օգնությանը:



«Իհարկե, ցավում եմ, որ այսպես ստացվեց, որ աղջիկս գուցե երթեք էլ չսիրի ինձ, բայց ինձ էլ պետք է հասկանալ, ես ի վիճակի եմ միայն երկու երեխա պահել, իսկ եթե երկուսն էլ աղջիկ լինեն, պետք է ստիպված երրորդն էլ ունենանք՝ տղա: Գիտեմ, տուժողը կինս է, աքրորդի դրդողն էլ ես, բայց հայ օշակը կիսառ է, կալացած չէ, եթե տղա շարունակող չկա այդ օշախում», - հավելում է Նահապետյանը:

Հայաստանում հղիության արհեստական ընդհատումն ար գելված չէ, «Մար դու վերաբ տադ րողական առողջության և վերաբ տադ րողական իրավունքների մասին» օրենքի 10-րդ հոդվածի համաձայն՝ «Յուրաքանչյուր կին ունի հղիության արհեստական ընդհատման իրավունք», բայց ոչ ուշ, քան մինչև հղիության 12-րդ շաբաթը:

Առողջապահության նախարարության Մայրական և վերաբետադ բողական առողջության պահպանման բաժնի պետ, գլխավոր մանկաբարձ-գիմենելոյոց Գլյանել Ավագյանն ասում է, որ եթե հղիության ար հետական ընդհատումը ճիշտ է կատար վում, վտանգավոր չէ, սակայն ամենաչնչին իսկ սխալը կարող է ճակատագրական լինել կազմակերպության համար, անգամ հանգեցնել չըկրության:

«Բազմաթիվ աբորտներ անելիս ես հստակ նկատել եմ, երեխա ունենալ -չունենալու որոշումը տղամարդուն է պատկանում», - ասում է Ավագյանը:


ՀՀ վիճակագրական վարչության տվյալ ներով՝ 2010-ին Հայաստանում գրանցվել է հղիության ար հետական ընդհատում 8577 դեպք՝ 44 825 ծնունդների դիմաց, այսինքն՝ չի ծնվել բնումնավորված պտուղների 16 %-ը:

Հղիության ար հետական ընդհատման դիմում են հիմնականում 25-29 տարեկան կանայք, ովքեր ունեն երկու, հազվադեպ երեք երեխա:

2010 թ.-ին 2009-ի համեմատ աբորտների թվի ավելի քան 16 %-ով նվազումը (2009-ին գրանցվել է 10 114 աբորտ) Ավագյանը պայմանավորում է ժամանակակից հակարեղմանավորիչների օգտագործման տոկոսի ավելացմամբ, հանրության սեռու կան իրազեկվածության բար ձրացմամբ:

Մինենուն ժամանակ գիմենելոյգը նշում է, որ աբորտից առաջ խոսում են կազմ հետ, փորձում նրան հետ պահել, սակայն ոչինչ անել չեն կարող, երբ ընտանիքն արդեն որոշել է հրաժար վել անցանկալի երեխայից:

Ավագյանի տվյալ ներով՝ այժմ տնային պայմաններում կանայք փորձում են դեղորայքներով պատճառ դառնալ հղիության դադարեցմանը, ինչը խորհուրդ չի տրվում:





«Ծատ եմ դեպքերը, երբ կինը սխալ դեղաչափով է օգտագործում դեղորայքը և հետագայում բազմաթիվ խնդիրներ է ունենում՝ արյունահոսություն, կտրուեր են մնում ար գանդում, երբեմն էլ վիժումը կեղծ է լինում, և հիդրոթյունը շարունակվում է: Ուստի խորհուրդ է տրվում գոնեն ճիշտ դեղաչափ ստանալու համար դիմել բժշկի»:

«Կանանց ռեսուրս» կենտրոնի սեռ կան և վերաբ տադ դողական առ դջության հարցերի պատասխանատու Անուշ Պողոսյանն ասում է, որ հայ տղամարդիկ մշտապես կանանց աբրոտի են դրդում սեռ վ պայմանավորված, որը կնոշ իրավունքների խախտում է. «Քեզ ընդհատում են նրա համար, որ դու աղջիկ պիտի ծնվես: Տղամար դիկ բնույթյան դեմ են գնում, կանանց և տղամարդկանց հավասարությունն է խախտվում, միշտ քաջալերվում է, որ տղա է ծնվում, սակայն մարդիկ մոռա նում են, որ եթե խախտ-

վում է բալանսը, հետո կին չի լինի, որ տղա ծննդաբերի, և Հայաստանն արդեն իսկ նման երկրների ցանկում է»:

Եվրոպայի խորհուրդը ևս անհանգստացած է Հայաստանում հզական սեռի պտուղների առ որտների թվով: Եվրախորհրդի խորհրդարանական վեհաժողովը հոկտեմբերի 3-7-ը կայանալիք լիազումար նիստում քվեաբ կության է ներկու խնդրի վերաբերյալ մշակվող բանաձևի նախագիծը:

Ըստ ԵԽԽՎ հավասար հնարավորությունների հանձնաժողովի՝ Հայաստանում սեռի ընտրությունը մինչև ծննդաբերությունը հասել է «անհանգստացնող չափերի»՝ 112 տղայի դիմաց ընդամենը 100 աղջիկ է ծնվում:

Ծվեցարիան Աերկայացնող Դորիս Ստամպի հաշվետվության հիմնան վրա մշակվող բանաձևով հանձնաժողովը կոչ է անում «հետաք Անել ծնելիության





սեռա կան համամասնության թեքվող կորի հիմքերն ու պատճառներն» ու ավելացմել ջանքերը «հասարակությունում կմոշ դերն ամրապնդելու համար»:

Ըստ մշակվող բանաձևի՝ Հայաստանի կառա վարությունը պետք է ար ժանահավատ տվյալ ներ հավաքի ծնելիության սեռա կան համամասնության վերաբերյալ երկրի ողջ տարածքից, ինչպես նաև վերաբարաստի բուժանձնակազմը

“

34

սեոի ընտրության նախածննդյան գործընթացների վերաբերյալ :

Եթե բանաձևի նախագիծը հաստատվի, ԵԽ անդամ բոլոր երկրները պետք է խորհրդուր տան հիվանդանոցներին «չսրամադ թել պտղի սեոի վերաբերյալ ինֆորմացիան» մինչեւ որոշակի ժամանակահատված:

«Առայժմ հայտնի չէ, թե դա ինչպես է տեղի ունենում, և ինչ պա-

տասխանատվություն են կրում ծնողներին ապագա երեխայի սեռով հայտնող բժիշկները.- այցից հետո «Մեղիալարին» ասել է Ստամար՝ հավելելով, - հարկ է լրացուցիչ ուսումնասիրել այս հար ցը: Զեկուցը, որում կխոսվի ԵԽԽՎ, անդամ երկրների՝ ընտանիքի պլանավորման ժամանակ այս միտումը հաղթարելուն ուղղված ջանքերի անհրաժեշտության մասին, ԵԽԽՎ,





քննադիմանը կճերկայացվի հոկտեմբերին»:

ՀՀ առողջապահության նախարարության մոր և մանկան առողջության պահպանման վարչության պետ Կարիմն Սարիբեկյանն ասում է, որ դեռևս ուսումնասիրություններ են կատար վում՝ պար զելու ընտրովի արորտների պատճառները, և թե ինչու ընտանիքներին չի բավարարում իգական սեռը.

«Թեև դա մարդկային է, հասկանալի է, որ ցանկացած ընտանիքներու սեղի երեխան է ցանկանում, սակայն սեռով պայմանավորված արորտը բոլոր դեպքերում ճիշտ չէ, և եթե ընտանիքը պատրաստ չէ երեխա ունենալու ու, թող չպլանավորի հոլիություն»:

ՄԱԿ-ի բնակչության հիմնադիմը մերկայումն հետազոտություն է իրականացնում Հայաստանում ըստ սեղի արորտների վերաբերյալ, որն այժմ դաշտային փուլում է, ու տվյալ մերը նեռ չեն հրապարակվում:

Հիմնադիմի հայաստանյան գրասենյակի գործադիր մերկայացուցիչ Գարիկ Հայրապետյաննասում է, որ նշված բանաձևը շատ կար նոր դեր ունի հասարակական և սոցիալական հար թությունում, այն փորձ է՝ վերացնելու կամ գոնե պակասեցնելու գննեներային ամեավասարությունը հենց նրա ըննդյան պահից:

«Ինչպես ցուց է տալիս Զինաստանի և Հնդկաստանի փորձը, ընտրովի արորտները բերում են սեղե ոի քանակական շեղման, ինչն իր հերթին բերում է սոցիալական լուրջ խնդիրների, այս պատճառներով քանաձևը և նրան հետևող գործողությունները շատ կար նոր են մեր հասարակության հետագա հավասարակշռվածությունը և բարեկեցությունը պահպանելու համար», նշում է Հայրապետյանը:

Սակայն բանաձևը ընդունելու պարագայում նա նաև կոռուպցիոն և ազգային մտածելակերպի փոփոխության անհրաժեշտության ոիսկեր է տեսնում:

«Իմ կար ծիքով, անմիջապես ընդունել հրահանգը, որ կար գելի պտղի սեղի բացահայտումը, ճիշտ լուծում չի լինի գոնե Հայաստանի համար : Ավելի քան համոզված եմ, որ այն կրերի կոռուպցիայի ավելացման: Այսինքն՝ այդ ինֆորմացիան ավելի թամկ կար ժենա: Մինչ այդ հրահանգն ընդունելը կամ ընդունելու հետ համատեղ մեր հետագոտության ար դոյմքները վերլուծելուց հետո պետք է աշխատանք կատարենք ինչպես բժիշկների, պանակների:

ՄԱԿ-ի Բնակչության հայաստանյան հիմնադրամն այս համատեքստում բժիշկներին առաջարկում է սեղի ինֆորմացիան բացահայտելու երկարաժամկետ ոիսկեր, իսկ ազգային նակչությանը կոչ է անում առ ջիկ երեխայի, և ընդհանրապես կնոջ դերի և նրա պատճենության վերաբերյալ հասարակական կար ծիքը վերանայել:

# Armenia: Are Selective Abortions Behind Birth Ratio Imbalance?



“ 36

Marianna  
GRIGORYAN



**A**rmenia's high rate of male births is alarming international and Armenian prenatal specialists. Their chief concern is that selective abortions are contributing to a demographically undesirable gender imbalance.

Government statistics indicate that a gender imbalance in births has existed since the early 1990s, but the trend has become more visible in recent years. The State Statistical Service of Armenia reports that 23,800 boys and 20,900 girls were born in 2010, working out to a rate of about 114 male births for every 100 female births. In 2009, 23,600 boys and 20,700 girls were born, marking approximately the same birth ratio as in 2010.

The United Nations Population Fund (UNFPA) puts the worldwide sex ratio at birth at 105-106 males per 100 females. Armenia has an overall population of 2.96 million.

Assessing the birth ratio, the head of the State Statistical Service's Census and Demography Department warned that Armenia faces "a serious problem."

"A study must be conducted to find out whether this imbalance is the consequence of selective abortions, or something else," said Karine Kuyumjian. "[T]he problem is obvious, and it will become even plainer later, when, along with demographic issues, we will face a lack of future mothers."

Representatives from the Parliamentary Assembly of the Council of Europe (PACE) recently reached a similar conclusion. Armenia's above-average rate of male births indicates "that there must be some sort of pre-natal sex selection," said Doris Stump, a PACE rapporteur on pre-natal sex selection who travelled to Yerevan in June to assess the problem.

"But there is no knowledge yet about how it is done and what is the responsibility of doctors telling the sex of the child to the parents," Stump said. "More research has to be done on that question." A report about the need for member-countries "to fight against the preference for boys" in family planning will be presented to PACE in October, she added.

As elsewhere in the Caucasus (Georgia and Azerbaijan also post high rates of male births, PACE reports), much of the problem may have to do with a heavy cultural emphasis on the value of having sons.

"A good man must have a son," said sociologist Aharon Adibekian, commenting on Armenian attitudes toward their children's gender. "If you don't have a son, who will

inherit your belongings, your house and [look after] your family?"

That perspective is on display at Armenian hospitals; at one Yerevan facility recently, the overjoyed father of a newborn baby boy danced to Armenian folk music, while medical staff consoled the mother of a newborn baby girl that she'd "have a boy next time."

Sociologist Adibekian, however, scoffs at the notion that this



preference would prompt women to abort female fetuses. “In countries at war, the number of boys is high; this is called a war phenomenon,” he asserted, referring to a spike in male births noted by demographers in countries engaged in long-term combat, where 120 boys can be born for every 100 girls. The same might be happening amid Armenia’s ongoing standoff with Azerbaijan, Adibekian suggested.

Dr. David Mkhitarian the medical director of Yerevan’s prominent Shengavit Medical Center, also dismisses as “nonsense” the claim that female fetuses are being aborted selectively. “It’s just that more boys than girls are born,” Dr. Mkhitarian said.

Armenia’s current population slightly favors women (51.5 percent) over men (48.5 percent), a difference that could reflect labor migration trends. The UNFPA’s deputy representative to Armenia cautions that legitimate grounds exist for connecting Armenia’s high male

birth rate to “intentional actions.” The UNFPA expects to finalize a report on the issue this November.

“[S]ince the findings of the study are yet unknown, maybe it’s too early to speak about it with certainty, but if we try to consider it logically, we will see it is very likely to be so,” said Garik Hayrapetian.

“The birth rate has decreased about twice now as compared to the 1980s, and by reducing the number of baby girls we risk entering a vicious circle,” Hayrapetian continued. “When we say we need soldiers to provide for Armenia’s security, we should not forget that we need enough ... mothers to whom these soldiers will be born in the future.”

But for women like 27-year-old Yerevan homemaker Gayane Hovhannesian, her husband and her family’s “honor” outweigh any concern about Armenia’s demographic situation.

A mother of two daughters, Hovhannesian says that she did not hesitate to opt for an abortion when

she learned she was pregnant with a third girl. Six months later, she got pregnant again; this time, with boy-girl twins. To avoid having another girl, she chose another abortion.

“After these abortions, I finally fulfilled my husband’s dream, and our son was born,” Hovhannesian said. “I would burn with shame if I failed to give birth to a son.”

Official statistics show that the number of abortions in Armenia (13,797 cases) increased by roughly 10 percent in 2010 compared with the previous year; some specialists, though, maintain that the actual figures are higher.

A fetus’ gender cannot be determined until the 14th week of pregnancy, but Armenian law only allows abortions through the 12th week of pregnancy for women without contraindications.

That suggests that many abortions “are performed secretly and illegally,” said Marine Margarian, a project coordinator on gender rights issues at the Public Information





and the Need for Knowledge non-governmental organization. “Of course, an abortion performed after the 12th week of pregnancy is not registered officially; otherwise, the picture would be clearer.”

Dr. Mkhitarian cautions that warnings about gender-based abortions will do nothing to stop the use of abortions for “family planning.”

“[I]f ... a woman of about 40 has three daughters and she learns she is expecting a fourth girl, she will go for an abortion despite any recommendations by either PACE or the Republic of Armenia or whoever it may be,” said Mkhitarian.





“ 40




Լուսաճկարներ՝  
Նարեկ ԲԱԽՆԾԱՄՑԱՆԻ

Գրքում ներառվել են հետևյալ հեղինակների հոդվածները.

- Նարէ ԱթոթԱՆ, «Սխալ, որի աճումը է ՄԱՐԴ»
- Մարիամնա ԳրիգորՅԱՆ, «Are Selective Abortions Behind Birth Ratio Imbalance?»
- Գոհգոր ԷՄԻՆ-ՏԵՐՅԱՆ, «Տղամարդու տեսակներ. «Հնազանդ եմ», «Տկր եմ»
- Լիա ԽՈԶՈՅԱՆ, «Ոչինչ չի եղել, ուղղակի մի Լիլիթիկով պակաս կծնվի Հայաստանում...»
- Փառանձեն ՀՈՎՀԱՆՆԻՍՅԱՆ, «Դադարեցված կյանքի պատմություններ. սեռով պայմանավորված աբորտները՝ մտահոգության տեղիք»
- Լեմա ՀՈՎՍԵՓՅԱՆ, «Երեխան ապրի, թե ոչ որոշում է մայրը»
- Մամե ՊԱՊՅԱՆ, «Արդեն երկու աղջիկ ուներ, և երրորդն անհրաժեշտ չէր...»
- Եկատերինա ՊՈՂՈՍՅԱՆ, «Տնային պայմաններում հղիության արհեստական ընդհատումը վտանգավոր միտում է հայ կանանց շարքում»
- Գայանե ՍՍՐԳՄՅԱՆ, «Մայրանալու իրավունքը տրվել է արարելու, ոչ թե սպանելու համար...»

Գրքում արտահայտված  
կարծիքները հեղիճակալին են  
և կարող են չհամընկել ՄԱԿ-ի  
Բնակչության հիմնադրամի  
տեսակետին:

© ՄԱԿ-ի Բնակչության հիմնադրամ,  
Հայաստան, 2012



ՄԱԿ-ի Բնակչության հիմնադրամի հայաստանյան գրասենյակ  
Պ. Արշակունյաց փող. 14, 0010, Երևան, Հայաստան,  
հեռ.՝ (37410) 543417, 547087, 543416, ֆաք.՝ (37410) 543811,  
[www.unfpa.am](http://www.unfpa.am)